

潛齋醫學叢書十四種



四明曹炳章校

顧體醫話



願體醫話良方序

舅氏俞公桂庭雖不業醫而喜讀軒岐之書捐館後雄于遺篋中檢得願體醫話二卷繹之皆時醫藥石之言多急救全生之法惜其簡略疑非完書度而藏之者二十年矣前年許子領三以搢臣先生原稿持贈乃知本無殘闕先舅氏僅刪陰證一條尤為有識增補諸方亦皆精妙夫肘後鷄峯世人罕讀病來倉卒醫輒茫然近惟種福堂選方養生經驗二書最稱善本海內風行茲編雖簡頗有補二書所未及者胡敢秘耶爰付攻木之工以公于世憶昔在嬰舅氏嘗遺書訓雄曰凡病治愈須存底稿雄遵而行之迨癸卯冬故人周君光遠選刻拙案二卷曰回春錄甲辰之案張封翁信堂題曰仁術志至庚戌踵成八卷今春楊大令素園重為刪定詳加評點慨捐鶴俸合梓于宜黃縣署總題曰王氏醫案凡十卷而舅氏皆不及見且雄才識疎庸不能深造將何以慰曩時之屬望耶校此遺編能無於邑

咸豐紀元辛亥閏月王士雄謹識于潛齋

願體醫話良方目次

目次

醫話十二則

解諸服毒

解諸物鯁

解吞五金

救縊死法

救刎死法

救溺死法

救凍死法

救熱死法

救壓死法

附跌打損傷

救魔死法

救嚇死法

救中惡法

救湯火傷

救金刀傷

附銃鉋諸刺

救破傷風

救諸物齧

救醉死

救薰死

咽喉急證

牙疳治法

霍亂急證

腫脹溺悶

一切癰疽



南京中醫藥大學圖書館版權所有

願體醫話良方

揚州史典摺臣著

仁和俞世貴桂庭參補

甥王士雄孟英校訂

人之嗜好各有不同余每遇裝金塑像心知好事而踴躍不前見疾病之人則周旋圖救而富厚者雖得沉疴不甚關切遇貧寒者縱係微疾儼如身受蓋富厚者延醫有資賸藥有力主病有人驅使有僕何難拯救至若貧人以身覓食一朝染病不但醫藥無資甚且饘粥莫繼病愈沉重心愈焦勞往往延挨莫救興言及此為之墮淚但恨力薄不能施濟聊繼前志延醫診脈送方揚城施藥不乏其人然或詩書子弟素封後人一時落魄而故舊滿目體面猶存不肯入藥局當施捨二字隱忍而不赴局者有之余設法體貼使雅俗咸宜常署其門曰人之最苦無如疾病呻吟痛楚非藥莫愈夫病不患無良藥而患無良方每見藥餌誤投反增其病愚久懷送藥之心因無送藥之力數年以來自五月起至九月止延請明醫分暇半日診病切脈內外大小對證立方奉送但諸公就視非為省其醫資庶可免於錯誤如肯惠然而來每日午前接教將此刊刊徧貼通衢又慮真正貧人得方不能措藥乃制丸散膏藥數種再察其衣不蔽體而帶飢容多寡量助惟恨不能親為吮疽煮藥耳家人哂余婆心過切不憚勞苦余曰不然人無貴賤同歸土吾非斯人之徒

與而誰與。如丁巳年間。揚境瘟疫甚行。一時當事以及好義者。多捐資施藥。余因慨歎。就醫者皆兩城附近之人。其窮鄉僻壤。何能遠涉。縱或父兄子弟代為取討。無論未經切脈。不無有誤。且有並無親人之解。寡孤獨。以及舉室染病之家。湯水無人接遞。況遠來求藥乎。且風俗日澆。每遇時疫。輒慮傳染。雖骨肉亦有視如陌路者。余聞之憤激。邀醫同往。余僕從肩藥。並帶藥引等類。每至一村。幾無烟火。推柴扉虛掩。守犬空鳴。召人診視。方扶攜而至。皆蓬頭垢面。感類呻吟。全家病者。即就臥榻切脈。撮藥各置枕下。以錢呼鄰。煩其煎服。日涉數十里。然余固無恙也。有相愛者。謂余太輕身。余因曰。嗜好不同。吾亦行。吾之所好耳。雖然。天下不無同此志者。幸勿惑於傳染之妄言。而廢其初心。即以余驗之。可知其妄矣。

俞桂庭曰。天下第一好事。莫如救人之命。醫者存心濟世。即為救命之人。救窮人一命。功勝救富人十倍。蓋富者原是養尊處優之體。而窮人趁工度日。病一日。則少一日柴米之資。焉能有餘錢。以延醫服藥乎。故誤藥以殺窮人。其罪亦浮于誤藥以殺富人。富人雖死。其家尚溫飽也。窮人死後。必致父母無養。妻兒離散。醫者不察。往往視貧病而疎忽。見富貴而慎重。殊不知貧病尤當慎重也。摺臣先生之話。真藹然仁者之言。切中時弊之論。惟望有力者。仿其夏秋設局。如遇時疫流行之歲。廣藥赴鄉。沿門施診。更望

為醫者實心詳慎出心與出力陰德相侔吾鄉向有常年施診之局而延請名醫務宜
崇實勿圖脩俸之廉勿尚虛名之輩當求實有學識而敦品行者庶不虛其利濟之功
若當道者能身先倡率廣為勸募妥立章程行諸遐邇仁民之政端在斯歟
一病有一藥可治一證有一方可療常見有病者而難遇其方有方者而不遇其病余謂
天下奇方頗多經驗者縱有濟世之心焉能逢人說項吾意擇一廟宇書其明曰施藥不
如施方凡有效驗藥方勸其抄寫明白實貼廟內使有方者得以利濟而有病者可免沉
痾久而祕方彙集人人皆知某處有方對證檢用未必非恤人疾痛之一端耳此謬竭
得之愚不過休戚相關之念儻有同心設法舉行亦惠而不費之事也

俞桂庭曰摺臣濟世之心可謂無微不至矣如此求方其法甚妥而最可鄙者得一良
方祕而不露忍使靈丹湮沒坐看奇病危亡昧理喪心無踰此極更有藉此謀利需索
重酬市井之徒固不足怪號為儒者亦爾效尤富病尚可求生貧病使之待斃撫心自
問罪可逃乎宜鑑斯言亟為造福紀文達公云南皮瘍醫某藝頗精然好陰用毒藥勒
索重資不饜所欲則必死蓋其術詭秘他醫不能解也一日其子雷震死今某尚在亦
無敢延之者矣或謂其殺人至多天何不殛其身而殛其子有佚罰焉夫罪不至極刑
不及孥意不至極殃不及世殛其子所以明禍延後嗣也又云歛人蔣紫垣善解砒毒

因秘其方以索重價致遭冥譴皆可為醫鑑也

嘗聞有是病卽有是藥但些小之恙自可藥到病除一遇疑難之證認為寒者投熱而不應認為熱者投寒而不應認為虛者投補而不應認為實者投瀉而不應雖廣延諸醫而主見各異此際吉凶反掌令人茫無適從萬不得已惟有不膜藥一著聽其自然看其動靜再為斟酌然又孰肯坐視不救而竟委之大數哉勢必朝秦暮楚遇藥則投直至氣絕人亡而後已興言及此不勝扼腕有飾其詞曰古人渾樸其疾顯淺易治今人巧病證幻出難圖余曰不然從古及今醫聖醫賢無理不聞無書不備總由後人學識未到審證未真若肯以外貌應酬之工用於內求誦讀之際推尋奧妙研究精微審醫案搜脈理一思百慮感而遂通則鮮有不能取效之證今僭創一議無論內外大小一年之中豈無一二奇證若懷之胸臆則近於祕道不傳若登之東梨又礙于少難成帙何不於三五知己中每於歲底各出所治奇病現何證服何藥如何療如何愈共成一卷以為醫案每年增廣亦是不朽之舉庶使後人有跡可循而無識認不真之憾其功不在盧扁下也然近日又有一種時弊凡遇疾病危險諸醫會集其中學術平常者不過輕描淡寫而已識見高明者若欲另立意見惟恐招人妒忌萬一不效又慮損名瞻前顧後亦是大同小異了事殊不念上天賦我聰明才智若臨證之際不費一番思索不用一番心血代天宣化救濟

蒼生止於此中求富貴顧聲名以他人性命痛癢無關生死聽天清夜思之能無自愧
俞桂庭曰王載韓云前醫用藥未效後之接手者多務翻案以求勝之久寒則用熱火
熱則用寒久瀉則用補久補則用瀉以為取巧出奇之計然而脈與因故在也苟破脈
審因確見前醫識力未到自當改絃易轍以正其誤若不據脈審因而妄生歧論欲圖
求異於人而網其利竟置病人吉凶于度外其居心不可問矣

又按古云不服藥為中醫不遇良醫莫若弗藥蓋醫理深微非上智不能討究以自入
習醫無十人成就成就之中無一人精通得一明醫談何容易然事在人為貴乎自立
如王甥孟英之銳志于醫也足不出戶者十年手不釋卷者永夜通年在醫屢起危疴
藉有聲名後生可畏余每聞而喜躍所有歷年治驗曾令其須存底稿而摺臣先生亦
有此話可謂先得我心世之為醫者遵史氏之格言效吾甥之苦志出而問世必可加
人一等也

一本草雖有別名而取用貴乎通俗若圖務博矜奇令人模糊費解危急之際誤事不淺
且書有急救良方簡便奇方之稱皆欲速取其效以救也若反用疑難名色豈不與救急
之意相悖乎余謂不獨字義務要淺近而藥品之似是而非者亦當辯別即如象貝類川
貝蘆黃類鬱金之類難以悉舉更有偽雜如采樹枝充桑寄生樟腦入冰片染松脂以代

血竭煉白鹽以亂秋石之類若不察真偽而誤服之豈能療病又如藥引中生薑幾片燈草幾莖之類余意須下分兩為是蓋片有厚薄莖有短長過與不及均難取效再如煎藥宜各藥各銚不可同他人混雜恐彼煎攻伐我煎補益彼煎溫熱我煎清涼豈不大有相反譬如酒壺衝茶雖不醉人難免酒氣又本草蒙註云醫藥貿易多在市家諺云賣藥者兩眼用藥者一眼服藥者無眼可不慎歟

俞桂庭曰陳文恭公云史君飽諳世故曲體人情其言質直而透切智慧易曉余謂惟有大學問故能曲體人情凡是大文章無不智慧易曉顧雨田亦云國家徵賦單曰易知良將用兵法云貴速我儕有工于草書者醫案人或不識所係尚無重輕至於藥名則藥肆中人豈能盡識草書乎孟浪者約略撮之而貽誤小心者往返詢問而羈延凡我同人書方之字必須清爽庶免他虞

酒能傷人好飲者每每視為迂說余觀戰國信陵君得罪于魏亡趙度不能自免終日飲醇酒近女色以求速殞可見古人藉酒自斃其為傷人可知今人不察終日酩酊風酒未醒新卮又進漏盡方休午餘復集甚至廢寢忘餐腹中微有糟粕其不為腐腸之藥也幾希俞桂庭曰宋劉元城先生云余初到南方有一高僧教余南方地熱而酒性亦熱今嶺南烟瘴之地更加以酒必大發疾故余過嶺即合家斷飲雖徧應水土惡劣他人必死

之地。余合家十口皆無恙。今北歸十年矣。無一患瘴者。此其效也。蘇文忠亦云。器之酒量無敵。今不復飲矣。按此則酒惟北方或嚴寒之令可略飲。以禦寒氣。世人誤謂可以辟瘴。瘴是抱薪救火矣。又凡造酒麴者。必取諸草汁以和米蘖而成。其草初出之兩葉尖者屬陽。性烈而味辛。可以造麴。初出之兩葉圓者屬陰。性涼而味或酸或苦。皆不中用也。故酒性純陽。大冷不冰。有助慾火。燠真陰。昏神明。釀濕熱之四大弊。又吹劍錄云。易唯四卦言酒。而皆在險難。需。需于酒食。坎。樽酒簋二。困。困於酒食。未濟。有孚於飲酒。可見酒乃人生之至險也。可不戒哉。

焚香品茶稱爲韻事。余按本草。茶性苦寒。銷厚味。解宿醜。有尅無補。故能化積滯。膏粱之輩。原宜藉以宣清。藜藿之腸。曷以當其鋒鏑。伐胃傷脾。久飲必傷元氣。馴至飯食漸減。胸腹虛膨。積飲停痰。漸成錮疾。深沉日久。無藥可療。在西北之地。以茶療疾。因貴重而飲之者甚少。惟江浙一帶。旣爲出產。人多好之。間有不飲者。卽謂爲俗人。而大戶女流。喜吃梳兒茶。汁未飲而渣先啖。上行下效。僕婦使女。不論老幼。盡皆酷嗜。以致面色如金。將潤澤容顏。變作焦黃面貌。豈非消耗脂膏之明證乎。但人止知酒能困人。而不知茶亦傷人。故戒茶之說。從來未有余特敢爲世告。願尊生者知茶之爲害。薄其味。而不過飲。俾脾胃不傷。未必非保生之一法也。

願體醫話

四

中国医药大学图书馆藏书

俞桂庭曰。既稱韻事。僅可偶爾為之。人人而癖之。旦旦而飲之。有何韻哉。況其為用也。專為解渴。渴因於火。或暑熱之外爍。或五志之內燼。或膏粱之過度。或勞役之火升。藉以消煩。何妨暫飲。苟為耽嗜。後悔徒然。

世間惟財與色。最是耗人精氣。速人死亡。而方士之言曰。金銀可點化。以濟壽。少者可采。補以延年。既快嗜欲。又得長生。何憚而不為耶。試以情理度之。恐無此太便宜事。不敢信也。不可惑也。

俞桂庭曰。死生有命。富貴在天。皆不能以人力謀也。既富貴矣。又欲長生。一念之貪。方士得以售其術。古來惑於爐火者。無不傾家。惑於采補者。無不喪命。愚夫接踵。可不哀哉。呂氏春秋云。所謂長生者。非能短而續之也。畢其數也。欲畢其數者。惟積德。其庶幾乎。點化采補。皆損德之事。其得禍而速死也宜矣。

獨宿之妙。不但老年。少壯時亦當如此。日間紛擾。心神散亂。全藉夜間安睡。以復元氣。若日裏心猿意馬。控制不定。及至醉飽。又復恣情縱欲。不自愛惜。如泥水一椀。何時得清。俞桂庭曰。此從來卻病保生延壽之第一仙方也。此外並無丹藥。別求祕訣。皆是愚人服金石酷烈之藥。必至殞命。即坐功服氣。往往致疾損目。人能清心寡欲。無暴怒。無過思。自然血氣和平。卻疾多壽。譬如火爐置風中。則易滅。置靜室則難燼。此是定理。

俞桂庭曰閱微草堂筆記云金石燥烈益以火力亢陽鼓盪血脈僨張故筋力似倍而強壯而消鑠真氣伏禍亦深觀藝花者培以硫黃則冒寒吐蕊然盛開之後其樹必枯蓋鬱熱蒸于下則精華涌于上涌盡則立槁耳參同契爐鼎鉛汞皆是寓名方士轉相附會貽害無窮而不知神仙惟有丹訣無丹方也觀此則本草經之長生不死云云皆後人附會也

人知復能補人不知亦能害人貴介之家平日淫欲事所時有一當病發即疑為虛重投人復大寒大熱俱伏在內始而以復治病既而用藥治復病可治復難治是兩病也雖有扁鵲莫措其手慎之慎之

俞桂庭曰藥之弊莫甚於復富貴人之不死于復者鮮矣史君之語可謂洞見癥結

糞清值錢不過以其歲月久耳人多略而不置使每年收貯數壘待澄清之日廣行利濟在受者不虛其假與者不傷其惠亦何憚而不為耶于是在小莊收藏數十壘每年臘月以新易舊取用源源不獨痘門熱證之要藥更救一切服毒以此推廣不費之惠豈止一端今將奉送金汁小引附刻於後願同志者仿而行之引曰金汁一種痘門熱證在所必需服毒垂危尤難猝辦臨時即用重價購求尤恐真偽莫辨難以取效豈不誤事無力之家偏僻之處更難赴期應用不佞曾於小莊理制數壘願以濟世凡遇貧而難覓者幸為

指引以便相贈但為數有限望囑其量證多寡取用庶不致浪擲可惜耳此乃惠而不費之舉非敢博利濟之功也

俞桂庭曰史君孳孳為善體貼入微讀其書可想見其為人惜余生也晚不能負笈從遊然千載之後猶可聞風而興人之善心焉所云不費之惠豈止一端他如瞻星亦屬易制冬月醃芥酒亦可壘埋野菊茼蒿與木芙蓉之葉年年可採龍眼之核隨時可蓄不費錢而又不費力皆可以治大證諸如此類仁者識之

倉卒救人方藥凡友人相傳用之有效者刊之惟恐不速惟願見余書者廣為告佈雖客程旅舍亦宜抄而黏壁使人人知有救急之法必有因此而全活者矣傳方者豈無功乎
解砒霜毒

蒼清灌之最妙

真綠荳粉 淨黃泥

各四兩
俱細篩

生雞子清九個

三共一處以浸綠荳冷水和稀服若有

黑羊血再合碗許更妙

凡服砒之人不可令其睡臥恐毒流四肢難治愈後百日內忌烟酒薑椒煎炒一切辛熱之物方無後患

俞桂庭增補

南天竹子四兩搗水服之立活如無鮮者用乾子煎湯冷服亦可或以防風一二兩煎湯浸冷濯之

雞子一二十個打散入明礬末三錢攪勻灌下即吐出

大黃^{二兩}生甘草^{錢五}白礬^{一兩}當歸^{三兩}煎數碗冷飲之立時大吐或大瀉而生否則毒入於臟而死

黑鉛^{四兩}用井水於石上磨出黑汁隨磨隨灌候吐盡方無患

解銀銷水毒

烏梅煎濃湯服即解

俞按銷銀脚也一作釉或作黝性主腐爛皮肉今人每用以去痣點之即落此物入腸胃非比砒藥諸毒之酷烈並無屑齒豁裂七竅流血之外傷可以核驗係黏著腸胃漸漸腐爛令人如患病狀或半月一月而死仍無傷痕可據沈寬錄中如此說

生羊血灌之吐盡即解

黃泥水服二碗可解

每日用鉛糖四兩作小丸不時以真麻油吞下亦可瀉其毒出須患者服過百日外方無慮



解鹽酒毒

宜先搗肥皂汁和水灌之即吐如吐未盡灌熟豆腐漿少頃即吐如腐形而愈

雞蛋一二十個打散入生大黃末五錢攪勻徐徐灌下以利下即愈

以下俞增
白糖霜多吃即解

解河豚魚毒

多服金汁即解或以香油灌之吐出即愈

橄欖煎濃湯服

以下俞增

槐花煎服

解野薑毒

多服金汁即解或以地漿灌之

橄欖搗為泥食之

以下俞增

甘草汁磨紫金錠服

附解鴉片毒

自鴉片烟之毒流行而於水火刀繩砒酒之外更添一速死之途且近今之烟無地無之其死於此者反較水火砒繩為尤眾也殊不知此物雖毒而向吸其烟者久已與臟腑之



氣相習即素不吸此而體氣堅強或服烟尚少毒不甚重者治之得法竟可復蘇故凡服烟而死者雖氣絕亦多可救邇來廣東新刻套板洗冤錄內明著救治方法曰輕者心中發躁但用活鴨血或糞汁或醬油或涼水或明礬雄黃研末或肥皂煎湯灌之無弗愈者若服多毒重身冷氣絕似乎已死但肢體柔軟則藏府經絡之氣仍是流通實在未死速將屍安放陰冷無太陽之地一經日照撬開牙齒用箸橫在屍口將金汁或涼水頻頻灌之再以冷水在胸前摩擦仍將頭髮解散浸在冷水盆內自然漸活曾目擊救愈多人凡七日之內身不僵鞭者切弗棺斂云夫洗冤錄為官中驗用之書非無稽傳說可比儻廣為流播實令世活人第一要事試思未死活埋之苦則傳播之心不能已矣辛亥秋月存心堂補

雄按身不僵鞭切勿棺斂一語凡一切卒死之證皆宜遵此未死而誤斂者豈獨服生烟之人耶意再按觀洗冤錄救治之法則鴉片烟性之熱毒等於砒鴆故一經日照即不可救而世人謂其性冷豈不妄乎

附解鷄頂鴉羽毒稔米煮粥搗爛過量吸之極效

魚刺鯁喉

多食橄欖即下 橄欖核磨服亦可

大蒜一瓣切去大頭鯁左塞右鼻鯁右塞左鼻以下俞增